

永樂大典

卷五千二百四十
九

永樂大典卷之五千二百四十九

十三蕭

遼

聖宗

遼史聖宗文武大孝宣皇帝諱隆緒小字文殊奴景宗皇帝長子母曰睿智皇后蕭氏帝幼喜書翰十歲能詩既長精射法曉

音律好繪畫乾亨二年封梁王四年九月壬子景宗崩癸丑即皇帝位於柩前時年十二皇后奉遺詔攝政詔諭諸道冬十月己未朔帝始臨朝辛酉群臣上尊號曰昭聖皇帝尊皇后為皇太后大赦以南院大王勅古哲總領山西諸州事北院大王于越休哥為南面行軍都統奚王和朔奴副之同政事門下平章事蕭道寧領本部軍駐南京乙丑如顯州十一月甲午置乾州十二月戊午朔耶律速撒討阻上辛酉南京留守荆王道隱奏宋遣使獻犀帶請和詔以無書却之甲子捷刺于乃方士醉言宮掖事法當死杖而釋之辛未南面招討使秦王韓匡嗣薨癸酉奉大行皇帝梓宮于菽塗殿庚辰省置中臺省官統和元年春正月戊午朔以大行在殯不受朝乙丑奉遺詔召先帝庶兄質睦于菽塗殿前復封寧王加宰相室

永樂大典卷五千二百四十九

妨宣徽使普領等恩丙寅荆王道隱有疾詔遣使存問是日皇太后幸其邸視疾戊辰以烏隈烏骨里部節度使耶律章瓦同政事門下平章事甲戌荆王道隱薨報朝三日追封晉王遣使撫慰其家丙子以于越休哥為南京留守仍賜南面行營總管印綬總邊事渤海捷馬解里以受先帝厚恩乞殉葬詔不許賜物以旌之戊寅遣使賜于越休哥及奚王壽寧統軍使頗德等湯藥命懇薦持送休哥下車勝以諭燕民辛巳遣撒獻阻卜侍壬午涿州刺史安吉奏宋築城河北詔留守于越休哥撓之勿令就功趙妃及公主胡骨魯奚王壽寧宰相安寧北大王普奴寧揚隱在烈奚王猶寧王只沒與橫張國舅契丹漢官等並進助山陵費癸未齊國公主率內外命婦進物如之甲申西南面招討使韓德威奏党項十五部侵邊以兵擊破之乙酉以速撒破阻卜下詔褒美仍諭與大漢討党項諸部丁亥樞密使兼政事令室昉以年老請解兼職詔不允二月戊午朔禁所在官吏軍民不得無故聚眾私語及冒禁夜行違者坐之己丑南京奏聞宋多聚糧邊境及宋主將如臺山詔休哥嚴為之備甲午葬景宗皇帝於乾陵以近幸朗掌飲伶人捷魯為殉上與皇太后因為書附上大行丙申皇太后詣陵置奠命繪近臣於御容殿賜山陵工人物有差庚子以先帝遺物賜

永樂大典

卷五二四九

皇族及近臣。辛酉。南京統軍使耶律善補奏宋邊七十餘村來附。詔撫存之。乙巳。以卸容殿為玉殿。酒谷為聖谷。速撒奏討党項捷。遣使慰勞。戊申。以楊隱化哥為北院大王。解頴為南府宰相。辛亥。幸聖山。遂謁三陵。甲寅。以皇女長壽公主下嫁國舅宰相蕭婆項之子吳留。三月戊午。天德軍節度使顏剌父子戰殒。以其弟涅離襲爵。己未。次獨山。遣使賞西南面有功將士。辛酉。以大父帳太尉耶律曷魯寧為楊隱甲子。駐蹕遼河之平淀。辛巳。以國舅同平章事蕭道寧為遼興軍節度使。仍賜號忠亮佐理功臣。壬午。以青牛白馬祭天地。夏四月丙戌朔。幸東京。以樞密副使耶律朮只兼侍中。為東京留守。庚寅。謁太祖廟。癸巳。詔賜物命婦寡居者。丙申。南幸。辛丑。謁三陵。以東京所進物。分賜陵寢官吏。復詔賜西南路招討使大漢劍。不用命者得專殺。壬寅。至享于疑神殿。癸卯。謁乾陵。乙巳。遣人以酒脯祭平章耶律河陽墓。庚戌。幸夫人烏骨里第。謁太祖御容。禮畢。幸公主胡古典第。飲賜與甚厚。壬子。大臣以太后預政宜有尊號。請下有司詳定。冊禮。詔樞密院諭必邊節將。至行禮日。止遣子弟奉表稱賀。恐失邊備。樞密請詔北府司徒順德。譯南京所進律文。從之。遂如徽州。以耶律慶朗為信州節度使。五月丙辰朔。國舅政事門下平章事蕭道寧。以皇太后慶壽。請歸

永樂大典卷五二四九

二

父母家行禮。而齊國公主及命婦群臣各進物設宴。賜國舅帳者。年物有差。壬戌。西南路招討請益兵討西突厥諸部。詔北王府耶律蒲奴寧。以敵畢迭烈二部兵赴之。癸亥。以于越休哥在南院過用吏人。詔南大王母相。備襲。庚子。耶律善補招亡入宋者得千餘戶歸國。詔令撫慰。辛未。次永州。祭王子藥師奴墓。乙亥。詔近臣議皇太后上尊號。冊禮。樞密使韓德度。以後漢太后臨朝故事。草定上之。丙子。以青牛白馬祭天地。戊寅。幸木葉山。西南路招討使大漢奏近遣拽剌跋剌哥。諭党項諸部來者甚眾。下詔褒美。六月乙酉朔。詔有司冊皇太后日。給三品以上法服。三品以下用大射柳之服。西南路招討使奏党項酋長執夷。禹童子限引等。乞內附。詔撫納之。仍察其誠偽。謹邊備。丙戌。還上京。己丑。有司奏同政事門下平章事駙馬都尉盧俊與公主不協。詔離之。遂出俊為興國軍節度使。辛卯。有事于太廟。甲午。上率群臣。上皇太后尊號。曰承天皇帝。群臣上皇帝尊號。曰天輔皇帝。大赦。改元統和。丁未。軍恩中外。文武官各進爵一級。以樞密副使耶律斜軫守司徒。秋七月甲寅朔。皇太后聽政。乙卯。上親錄囚。壬子。司徒婁國坐稱疾不赴山陵。答二十。辛酉。行再生禮。癸酉。臨潢尹裏哀進飲饌。上與諸王分朋擊鞠。丙子。韓德威遣詳穩轄馬上破党項俘獲數并送

夷尚董之于來獻。辛巳賞西南面有功將士。八月戊子。上西巡。己丑謁祖陵。辛卯。皇太后祭楚國王蕭思溫墓。癸巳。上與皇太后謁懷陵。遂幸懷州。甲午。上與斜軫於太后前。易弓矢鞍馬。約以馬友。己亥。奪獵赤山。遣使薦熊肪鹿脯于乾陵之疑神殿。以政事令孫植無子。詔國舅小翁帳郎君桃隈為之復。乙巳。詔于越休哥。提點元城。壬子。韓德感表請伐完項之復叛者。詔許之。仍發別部兵數千以助之。九月癸丑朔。以東京平州旱蝗。詔賑之。乙卯。謁永興長寧。敦睦三宮。丙辰。南京留守。秦秋霖害稼。請權停關征。以通山西糴易。從之。庚申。謁宣簡皇帝廟。辛酉。幸祖州。謁祖陵。壬戌。還上京。辛未。有司請以帝生日為千齡節。從之。皇太后言。故于越屋只有傳導功。宜錄其子孫。遂命其子泮澳為林牙。丙子。如老翁川。冬十月癸未朔。司天奏老人星見。戊子。以公主淑哥下嫁國舅詳德照姑。癸巳。遣撒奏敵烈部及叛蕃來降。悉復故地。乙未。以燕京留守于越休哥。言每歲諸節度使貢獻。如契丹官例。止進鞍馬。從之。丁酉。以吳王稍為上京留守。行臨潢尹事。上將征高麗。親閱東京留守耶律末只所總兵馬。丙午。命宣徽使兼侍中蒲領林牙肯德等將兵東討。賜旗鼓及銀符。十一月壬子朔。觀漁捷馬濼。癸丑。應州秦獲宋謀者。言宋除道五臺山。將入靈丘界。詔謀者及居停人。

永樂卷五十三百九

並磔于市。庚辰。上與皇太后祭乾陵。下詔諭三京左右相左右平章事。副留守判官。諸道節度使判官。諸軍事判官。錄事參軍等。當執公方。毋得阿順。諸縣今佐。如遇州官。及朝使非理徵求。毋或畏徇。恒加米聽。以為殺最。民間有父母在別籍異居者。聽鄰里覺察。生之。有孝于父母。三世同居者。旌其門閭。十二月壬子朔。謁疑神殿。遣使分祭諸陵。賜守殿官屬酒。是日幸顯州。丁亥。以顯州歲貢綾錦。分賜左右。甲午。東幸。己亥。皇太后觀漁于玉盆灣。辛丑。觀漁于潘湖。甲辰。勅諸刑辟。已結正決遣。而有寃者。聽詣臺訴。是夕。然萬魚燈于雙溪。戊申。千齡節。祭日月。禮畢。百僚稱賀。二年春。正月甲子。如長濼。二月癸巳。國舅張彰德軍節度使蕭撻覽來朝。甲午。賜將軍耶律敵不。春衣束帶。丙申。東路行軍宣徽使蕭蒲寧奏討女直捷。遣使執手獎諭。庚子。朝皇太后。太后因從觀獵于饒樂川。乙巳。五國烏隈于厥節度使耶律隗注。以所轄諸部難治。乞賜詔給劄。便宜行事。從之。丙午。上與諸王大臣較射。丁未。韓德感以征完項。迴遂襲河東。獻所俘。賜詔褒美。三月乙卯。劃離部。請今後詳穩止從本部。選授為宜。上曰。諸部官。惟在得人。宜得定以所部為限。不允。贈故同平章事趙廷煦。兼侍中。夏四月。丁亥。宣徽使同平章事耶律普寧。都監蕭勤德。獻征女直捷。授普寧兼政。

事令。勅德神武衛大將軍各賜金器諸物。庚寅皇太后臨決滯獄。辛卯祭風伯。壬辰。以宣徽南院使劉承規為承德軍節度使。崇德宮都部署。保義軍節度使張德筠為宣徽北院使。五月乙卯。祠木葉山。丁丑。駐蹕汧湖。六月己卯。朔。皇太后決獄。至月終。秋七月癸丑。皇太后行。再主禮。八月辛卯。東京留守兼侍中耶律末只奏女真。不直賽里等八族乞舉眾內附。詔納之。九月戊申。朔。駐蹕土河。辛未。以景宗忌日。詔諸道京鎮遣官行香。飯僧。冬十月丁丑。朔。以歸化州刺史耶律普寧為彰德軍節度使。右武衛大將軍韓倬為彰國軍節度使。兼侍衛親軍兵馬都指揮使。冬十一月壬子。以樞密直學士給事中鄭檉為儒州刺史。是月。速撒等討阻卜。殺其酋長捷剌干。十二月辛丑。以翰林學士承旨馬得臣為宣政殿學士。耶律頗德。南京統軍使耶律瑤昇。大內惕隱。大仁靖。東京中臺省。右平章事。三年春正月丙子。朔。如長樂。丁巳。以翰林學士邢抱朴為尚書禮部侍郎。知制誥左拾遺知制誥劉景。吏部郎中。知制誥牛藏用。並政事舍人。二月丙子。朔。以牛藏用知樞密直學士。三月乙巳。朔。樞密奏契丹諸役戶多困乏。請以富戶代之。上因閱諸部籍。溼剌烏隈二部戶少而役重。并量免之。夏四月乙亥。朔。祠木葉山。壬午。以鳳州刺史趙匡符為保靜軍節度使。癸未。

以左監門衛大將軍王庭勗為奉先軍節度使。彰武軍節度使韓德疑為崇義軍節度使。五月壬子。還上京。癸酉。以國舅蕭道寧同平章事。知潘州軍州事。六月甲戌。如栢坡。皇太后親決滯獄。乙亥。以歸義軍節度使王希巖為興國軍節度使。秋七月甲辰。朔。詔諸道繕甲兵。以備東征。高麗甲寅。東辛。甲子。遣郎君班夏賜秦王韓匡嗣葬物。丙寅。駐蹕土河。以暴漲。命造船橋。明日乘步輦出聽政。老人星見。丁卯。遣使閱東京諸軍兵器。及東征道路。以平章事蕭道寧為昭德軍節度使。武定軍節度使守司空。兼政事令郭襲為天平軍節度使。大同軍節度使守太子太師。兼政事令劉延構為義成軍節度使。贈尚父秦王韓匡嗣尚書令。八月癸酉。朔。以遼澤沮洳罷征高麗。命樞密使耶律斜軫為都統。駙馬都尉蕭愨德為監軍。以兵討女直。丁丑。次臺城。庚辰。至顯州。謁疑神殿。辛巳。幸乾州。觀新宮。癸未。謁乾陵。甲申。命南北面臣僚分巡山陵林木。及今乾顯二州。上所部里杜之數。丙戌。北皮室詳穩進勇敢士七人。戊子。故南院大王諧領乙里姪蕭氏。奏夫死不能葬。詔有司助之。庚寅。東征都統所奏路尚陷濼。未可進討。詔俟澤潤深。今癸巳。皇太后謁顯陵。庚子。謁乾陵。辛丑。西幸。閏九月癸酉。命邢抱朴。勾檢顯陵。丙子。行次海上。庚辰。重九。駱駝山登高。賜群臣菊花酒。辛巳。詔諭東

永樂大典 卷五二四九

征將帥來水涸進討丙申女直宰相不里來貢戊戌駐蹕東古山己亥
速撒奏術不姑諸部至近淀夷尚董易魯姑請行俘掠上曰諸部於國無
惡何故俘掠徒生事耳不允冬十一月甲戌詔吳王稍領秦王韓匡嗣葬
祭事丁丑詔以東北路兵馬監軍真婆底里存撫邊民戊寅賜公主胡骨
典葬夫金帛工匠辛卯以韓德讓兼政事癸巳禁行在市場布帛不中
尺度者丙申東征女直都統蕭闡覽菩薩奴以行軍所經地里物產來上
四年春正月甲戌觀漁土河林牙耶律謀魯姑彰德軍節度使蕭闡覽
上東征俘獲賜詔獎諭丙子樞密使耶律斜軫林牙勤德等上計女直所
獲生口十餘萬馬二十餘萬及諸色物己卯朝皇太后決滯訟壬午樞密
使斜軫林牙勤德謀魯姑節度使闡覽統軍使室羅侍中抹只奚王府監
軍迪烈與安吉等克女直還軍遣近侍泥里吉詔旌其功仍執手無諭賜
酒果勞之甲午幸長瀾二月壬寅以四番都統軍李繼忠為檢校司徒上
柱國癸卯西夏李繼遷叛宋來降以馬定難軍節度使銀夏綏宥等州觀
察處置等使特進檢校太師都督夏州諸軍事西蕃酋帥瓦泥乞移為保
大軍節度使邠坊等州觀察處置等使甲寅耶律斜軫蕭闡覽謀魯姑等
族帥來朝行飲至之禮賞賚有差丙寅行次梟里井三月甲戌于越休哥

奏宋遣曹彬崔彥進米信由雄州道田重進飛狐道潘美揚繼業馮門道
來侵岐溝涿州固安新城皆陷詔宣徽使蒲領馳赴燕南與休哥議軍事
分遣使者徵諸部兵益休哥以擊之復遣東京留守耶律抹只以大軍繼
進賜劍專殺乙亥以親征吉陵廟山川丙子統軍使耶律頌德敗宋軍于
固安休哥絕其糧餉擒將吏獲馬牛器仗甚眾庚辰襄州刺史趙彥章以
城叛附于宋辛巳宋兵入涿州義順軍節度副使趙希贊以朔州叛附于
宋時上與皇太后駐兵馳羅口詔趣東征兵馬以為應援壬午詔林牙勤
德以兵守平州之海岸以備宋仍報平州節度使迪里姑若勤德未至遣
人趣行馬之則括民馬鎧甲關則取於顯州之甲坊癸未遼軍與宋田重
進戰于飛狐不利冀州防禦使大鵬冀州刺史馬贊馬軍指揮使何萬
通陷馬丁亥以北院樞密使耶律斜軫為山西兵馬都統以北院宣徽使
蒲領為南征都統以副于越休哥彰德軍節度使艾正觀察判官宋雄以
應州叛附于宋庚寅遣飛龍使亞剌文班史亞達哥閱馬以給先發諸軍
詔駙馬都尉蕭繼遠領之辛卯武定軍馬步軍都指揮使鄧州防禦使呂
行德副都指揮使張繼從馬軍都指揮使劉知進等以飛狐叛附于宋癸
巳賜林牙謀魯姑旗鼓四劍一率禁軍之驍銳者南助休哥丙申步軍都

永樂大典

卷五二四九

指揮使榜超。以靈丘叛。附于宋。詔遣使賜樞密使斜軫密旨。及彰國軍節度使杓穴印。以趣征討。夏四月己亥朔。次南京北郊。庚子。楊隱瑤昇西南面招討使。韓德威。以捷報。辛丑。宋潘美陷雲州。壬寅。遣抹只。謀魯姑。勤德等。領偏師。以助休哥。仍賜旗鼓。杓穴印。撫諭。紿。癸卯。休哥復。以捷報。上以酒脯祭天地。率群臣。賀于皇太后。詔勸德還軍。丙午。願德上所獲鎧仗數。戊申。監軍宣徽使蒲領。奏敵軍引退。而奚王壽寧。北。大王蒲奴寧。統軍使願德等。以兵追躡。皆勝之。遣敵史勤德。持詔褒美。及詔侍中抹只。統諸軍。赴行在所。頒不部節度使和盧觀。黃皮室。詳摠解里等。各上所獲兵甲。又詔兩部突騎。赴蔚州。以助闡覽。橫帳郎君老君。姑。率諸郎君。巡徽。居庸之北。將軍化哥。統平州兵馬。橫帳郎君奴哥。為黃皮室。都監郎君。謁里。為北府都監。各以步兵。赴蔚州。以助斜軫。庚戌。以斜軫為諸路兵馬都統。闡覽兵馬副部署。迪于都監。以代善。補韓德威。癸丑。以艾止。趙希贊。及應州朔州節度副使。奚軍小校。隘離轄。渤海小校。貫海等。叛入于宋。籍其家屬。分賜有功將校。宋將曹彬。未信。北渡拒馬河。與于越休哥。對壘挑戰。南北列營。長六七里。時上次。涿州。東五十里。甲寅。詔于越休哥。奚王壽寧。宣徽使蒲領。南北二王等。嚴備水道。無使敵兵得潛至。涿州。乙卯。休哥等。敗宋

永樂大典卷五二四九

六

軍。獻所獲器甲貨財。賜詔褒美。蔚州左右都押衙李存璋。許彥欽等。殺節度使蕭嘏。里執監城使銅州節度使耿紹忠。以城叛。附于宋。丙辰。復涿州。吉天地。戊午。上次。沙姑河之北。渡。召林牙勤德。議軍事。諸將校。各以所俘獲來上。奚王壽寧。南北二王。率所部將校。來朝。以近侍粘末里。所進自落。鷄。祭天地。己未。休哥蒲領。來朝。詔三司。給軍前夏衣布。庚申。上朝皇太后。辛酉。大軍次固安。壬戌。圍固安城。統軍使願德。先登城。遂破。大縱俘獲。居民。先被俘者。命以官物贖之。甲子。賞攻城將士。有差。五月庚午。遼師與曹彬。米信。戰于岐溝關。大敗之。追至拒馬河。溺死者不可勝紀。餘眾奔高陽。又為遼師衝擊。死者數萬。棄戈甲若丘陵。輓漕數萬人。屋岐溝空城中。圍之。士申。以皇太后生辰。縱還。癸酉。班師。還次新城。休哥蒲領。奏宋兵奔逃者。皆殺之。甲戌。以軍捷。遣使分諭諸路京鎮。丁丑。詔諸將校。論功行賞。無有不實。己卯。次固安南。以青牛白馬。祭天地。庚辰。以所俘宋人。射鬼箭。詔遣詳穩排亞。率私義宮兵。及南北皮室郎君。機刺四軍。赴應朔二州界。與楊隱瑤。昇。招討韓德威等。同禦宋兵。在山西之未退者。辛巳。以瑤昇軍。赴山西。壬午。還次南京。癸未。休哥壽寧。蒲奴寧。進俘獲斜軫。遣判官蒲姑。奏復蔚州。斬首二萬餘級。乘勝攻下靈丘。飛狐。賜蒲姑酒。及銀器。丙戌。御元

和斂大宴從軍將校封休哥為宋國王加蒲領壽寧蒲奴寧及諸有功將校爵賞有差丁亥發南京詔休哥備器甲儲粟秋大舉南征戊子斜軫奏宋軍復圍蔚州擊破之詔以兵授瑤昇韓德威等士辰以宋兵至平州瑤昇韓德威不盡追殺降詔詰責仍諭據城未降者必盡掩殺無使遁逃癸巳以軍前降卒分賜卹從乙未賞頌德諸將校士卒六月戊戌朔詔韓德威赴闕加統軍使頌德檢校太師甲辰詔南京留守休哥遣礮手西助斜軫乙巳以夷馬畢姪里古部送輜重行官暑行日五十里人馬疲乏遣使讓之丁未度居庸關壬子南京留守奏百姓歲輸三司鹽鐵錢折絹不如直詔增之甲寅斜軫奏復襄州乙卯皇太妃諸王公主迎上嶺表設御帳道傍置景宗御容率從臣進酒陳俘獲于前遂大宴戊午幸涼陘以所俘分賜皇族及乳母己未聞所遣宣諭回鶻數列哥國度里亞里等為木不姑邀留詔速撤賜木不姑貨幣諭以朝廷來遠之意使者由是乃得行癸亥以節度使韓毗哥翰林學士邢抱朴等充雲州宣諭招撫使丙寅以太尉王八所俘主口分賜趙妃及于越迪輦乙丑婉秋七月丙子樞密使斜軫遣侍御涅里底幹勒哥奏復朔州擒宋將楊繼業及上所獲將校印綬詰勅賜涅里底等酒及銀器辛巳以捷告天地以宋歸命者二百四十八

水樂大典卷五十二百四十九

分賜從臣又以殺敵多詔上京開龍寺建佛事一月飯僧萬人辛卯斜軫奏大軍至蔚州營于州左得謀報敵兵且至乃設伏以待敵至縱兵逆擊追奔逐北至飛狐口遂乘勝鼓行而西入襄州殺守城吏卒千餘人宋將楊繼業初以驍勇自負號楊無敵北據雲朔數州至是引兵南出朔州三十里至狼牙村惡其名不進左右固請乃行遇斜軫伏四起中流矢墮馬被擒瘡發不食三日死遂函其首以獻詔詳德轄奏室傳其首于越休哥以示諸軍仍以朔州之捷宣諭南京平州將吏自是宋守雲應諸州者聞繼業死皆棄城遁八月丁酉置先離閣覽官六員領于骨里女直迪烈于等諸部人之隸官籍者以北大王蒲奴寧為山後五州都管乙巳韓德讓奏宋兵所掠州郡其逃民未稼宜募人收獲以其半給收者從之乙卯斜軫還自軍獻俘乙未用室昉韓德讓言復山西今年租賦詔第山西諸將校功過而賞罰之乙室帳宰相安寧以功過相當追告身一通諱居部節度使佛奴答五十楊隱瑤昇獲刺烈朔州節度使慎思應州節度使骨只雲州節度使化哥軍校李元迪蔚州節度使佛留都監崔其劉繼琛皆以聞敵逃遁奪官欵烈仍配隸本貫領國舅軍王六答五十壬戌以斜軫所部將校前破女直後有宋捷第功加賞癸亥加斜軫守太保九月丙寅

朔皇太妃以上納后進衣物駝馬以助會親頒賜甲戌次黑河以重九登
高于高水南阜祭天賜使臣命婦菊花酒丁丑次河陽北戌寅內外命婦
進會親禮物辛巳納皇后蕭氏丙戌次儒州以六軍將南征詔遣皮室詳
穩乞的郎君拽刺先赴本軍繕甲兵己丑召北大王蒲奴寧赴行在所甲
午皇太后行再主禮冬十月丙申朔党項阻上遣使來貢丁酉皇太后復
行再主禮為帝祭神祈福己亥以乙室王帳郎君吳留為御史大夫政事
今室昉奏山西四川自宋兵後人民轉徙盜賊充斥乙下有司禁止命新
州節度使蒲打里遣人分道巡檢北大王帳郎君葛葛只里言本府王蒲
奴寧十七罪詔橫帳太保囊國底鞠之蒲奴寧伏其罪十一笞二十釋之
葛葛只里亦伏誣告六事命詳酌罪之知事勤德連坐杖一百免官甲辰
出居庸關乙巳詔諸京鎮相次軍行諸細務權停理問庚戌分遣拽刺公
邊偵候辛亥命皇族廬帳駐東京延芳淀壬子詔以勅榜付于越休哥以
南征論拒馬河南六州乙卯幸南京戊午以兩院大王留寧言復兩院部
民今年租賦壬戌以銀鼠青鼠及諸物賜京官僧道耆老甲子上與大臣
分朋擊鞠十一月丙寅朔党項來貢庚午以政事令韓德讓守司徒壬申
以古北松亭榆關征稅不法致阻商旅遣使鞠之女直請以兵從征許之

癸酉御正殿大勞南征將校丙子南伐次狹底揭皇太后親閱輜重兵甲
丁丑以休哥為先鋒都統戊寅日南至上率從臣進酒景宗御容辛巳詔
以北大王蒲奴寧居奉聖州山西五州公事並聽與節度使蒲打里共裁
決之癸未祭日月為駝馬都尉勤德祈福乙酉置諸部監勒所部各守營
伍毋相錯雜丙戌遣謀魯姑蕭繼遠以所獲宋卒射兔箭丁亥
以青牛白馬祭天地辛卯次白佛塔川獲自落訓狐以馬吉徵祭天地詔
駝馬都尉蕭繼遠林牙謀魯姑太尉王八等固守封疆毋漏間諜軍中無
故不得馳馬仍縱諸軍殘南境桑果壬辰至唐興縣時宋軍屯滹沱橋北
遣將亂射之橋不能守進焚其橋癸巳涉沙河休哥來議事北皮室詳穩
排亞獻所獲宋謀二人上賜衣物今遣招諭泰州諸特部節度使盧補古
都監耶律盼與宋戰于秦州不利甲午祭應虎神以盧補古臨陣進逃奪
告身一通其判官都監各杖之郎君拽刺雙骨里過宋先鋒於望都擒其
士卒九人獲甲馬十一賜酒及銀器乙未以盧補古等罪詔諭諸軍以御
蓋郎君化哥權緒持部節度使橫帳郎君佛留為都監代盧補古權領國
舅軍挑畏請二校領散卒詔以郎君世音頌德等充命彰德軍節度使蕭
闥覽將軍迪于喀地東路詔休哥排亞等議軍事十二月己亥休哥敗宋

永樂大典

軍於望都遣人獻俘士憲營于滹沱北詔休哥以騎兵紀宋兵母令入邢州
命大師王六謹偵候癸卯小校曷主過宋輜重引兵殺獲甚衆并焚其芻
粟甲辰詔南大王與休哥合勢進討宰相安寧領迪爾部及三剋軍殿上
率大軍與宋將劉廷讓李汝源戰于莫州敗之乙巳擒宋將賀令圖揚重
進等國舅詳穩撻烈哥宮使蕭打里死之內午詔休哥以下入內殿賜酒
勞之丁未蔡京觀復以南京禁軍擊揚圍城守將以城降詔禁侵掠已酉
營神榆村詔上揚圍城粟麥兵甲之數辛亥以黑白二挂祭天地癸丑拔
馮母鎮大縱俘掠丙辰邢州降丁巳拔深州以不即降誅守將以下縱兵
大掠李繼遷引五百騎歎塞頰塔大圍未作藩輔詔以王子張節度使耶
律襄之女汀封義成公主下嫁賜馬三千疋五年春正月乙丑破東城
縣縱兵大掠丁卯次文安遣人諭降不聽遂擊破之盡殺其丁壯俘其老
幼戊寅上還南京己卯御元和殿大齊群士壬辰如華林天柱二月甲午
朔至自天柱三月癸亥朔幸長春宮賞花釣魚以牡丹徧賜近臣歡宴累
日丁丑以諱居部下搜判解里偵候有功命入御蓋郎君班祇候夏四月
癸巳朔幸南京丁酉上率百僚冊上皇太后尊號曰睿德神略應運啟化
承天皇后禮畢群臣上皇帝尊號曰至德廣孝昭聖天輔皇帝戊戌詔

有司條上勲舊等第加恩癸丑清暑水井六月壬辰召大臣決庶政丙申
以耶律蘇為遼郡刺史秋七月戊辰涅刺部節度使撒葛里有惠政民請
留從之是月獵平地松林九月丙戌幸南京是冬止馬六年春正月庚
申如華林天柱二月丁未奚王壽寧殺無罪人李浩所司議責請償其罪
今出錢贖浩家從之甲寅大同軍節度使同平章政事劉京致仕己未休哥
奏宋事宜上親覽之內寅以司天趙宗德齊春王守平邵祺闕梅從任四
載言天象數有徵賜物有差三月癸未李繼遷遣使來貢夏四月乙未幸
南京丁酉胡里室橫突韓德讓墮馬皇太后怒殺之戊戌幸宋國王休哥
第五月癸亥南府宰相耶律沙薨閏月丙戌朔奉聖州言太祖所建金鈴
閣壞乞加修繕詔以南征恐重勞百姓待軍還治之壬寅阿薩蘭回鶻來
貢甲寅烏隈于厥部以歲貢貂鼠青鼠皮非土產皆於他處貿易以獻乞
改貢詔自今止進牛馬六月癸亥党項太保阿剌恍來朝貢方物乙丑諭
諸道兵馬備南征攻城器具乙酉夷禹董阿魯勃送沙州節度使曹恭順
還授于越秋七月丙戌觀市己亥遣南面招討使韓德威討河湟諸蕃違
命者賜休哥排亞部諸軍戰馬己酉駐蹕于落河士于加韓德威開府儀
同三司兼政事令門下平章事東京留守燕侍中添水郡王耶律抹只為

永樂大典

卷五二四九

大同軍節度使發哥排亞請增置涿州驛傳丙辰以青牛白馬祭天地八月戊午休哥與排亞兼里葛從生將至易州遇宋兵殺其指揮使而還庚申幸黎園溫湯癸亥以將伐宋遣使祭木葉山丁丑瀕海女直遣使速魯里來朝西北路管押詳穩速撒哥以伐折立助里一部上所俘獲東路林牙蕭勤德及統軍石老以擊敗女直兵獻俘大同軍節度使耶律抹只奏今歲霜旱乏食乞增價折粟以利貧民詔從之濱海女直遣廝魯里來修土貢丙申化哥與木不姑春古里來貢休哥遣詳穩意德黑獻所獲宋謀者丁酉皇太后幸韓德威帳厚加賞賚命從臣分朋雙陸以盡歡九月戊戌幸南京己亥有事于太宗皇帝廟以唐元德為奉陵軍節度使癸卯祭旗鼓南伐庚戌次涿州射帛書諭城中降不聽乙卯縱兵西面攻之城破乃降因撫諭其眾駙馬蕭勤德太師閱覽皆中流矢勤德載帝車中以歸聞宋軍退遣斜軫排亞等追擊大敗之冬十月戊午攻沙堆驛破之己巳以黑白羊祭天地庚午以宋降軍分置七指揮號歸聖軍士申行軍叅謀宣政殿學士馬得臣言諭降宋軍恐終不為用請並放還詔不允丙子壽寧奏破狼山捷辛巳復奏敗宋兵于益津關癸未進軍長城口宋定州守將李興以兵來拒休哥擊敗之追奔五六里十一月甲申上以將攻長城口

永樂大典卷五二四九

十

詔諸軍備攻具庚寅駐長城口督大軍四面進攻士潰圍妻城遣斜軫招之不降上與韓德讓邀擊之殺獲殆盡獲者分隸燕軍辛卯攻滿城圍之甲午拔其城軍士開北門遁上使諭其將領乃率眾降戊戌攻下祁州縱兵大掠己亥拔新樂庚子破小狼山砦丁未宋軍千人出益津關圍舅郎君挑委詳穩十哥擊走之殺副將一人己酉休哥獻黃皮室詳穩徇地莫州所獲馬千匹士卒二十人命賜降者衣帶使隸燕京辛亥西路又送降卒二百餘人給寒者裘衣以馬得臣權宣徽院事十二月甲寅朔賜皮室詳穩乞得充骨里戰馬橫帳郎君達打里劫掠命杖之丙辰攻于沙河休哥獻奚詳穩耶魯所獲宋謀丁巳遣北宰相蕭繼遠等往覲安平侍衛馬軍司奏攻祁州新樂都頭劉贊等三十人有功乞加恩賞是月大軍駐宋境是歲詔開貢舉放高舉一人及第七年春正月癸未朔班師戊子宋鷄壁若守將郭榮率眾來降詔屯南京庚寅次長城口三卒出營劫掠皆以徇眾以所獲物分賜左右士辰李繼遷與兄繼捧有怨乞與通好上知其非誠不許癸巳諭諸軍趣易州己亥禁部從伐民桑梓癸卯攻易州宋兵出逐城來援遣鐵林軍擊之擒其指揮使五人甲辰大軍齊進破易州降刺史劉輝守陴士卒南遁上帥師邀之無敢出者即以馬贊為刺史趙贊為兵馬都監遷易州軍民

于燕京以東京騎將夏貞顯之子仙壽先登授高州刺史乙巳幸易州御
 五花樓撫諭士庶丙午以青牛白馬祭天地詔諭三京諸道戊申次添水
 謁景宗皇帝廟詔遣涿州刺史耶律守雄護送易州降人八百還隸本貫
 己酉次岐溝射鬼箭辛亥還次南京六軍解嚴二月壬子朔上御元和殿
 受百官賀詔鷄壁若民二百戶徙居檀順三州甲寅回鶻于闐師子等
 國來貢乙卯大饗軍士爵賞有差樞密使韓德讓封楚國王駙馬都尉蕭
 寧遠同政事門下平章事是日幸長春宮甲子詔南征所俘有親屬分隸
 諸帳者給官錢贖之使相從乙丑賞南征女直軍使東還丙寅禁舉人匿
 名飛書誇訕朝廷癸酉吐蕃党項來貢甲戌雲州租賦請止輸本道從之
 丙子以直女活骨德為本部摺分遣巫覡祭名山大川丁丑皇子佛寶奴
 生戊寅阿薩蘭于闐轄烈並遣使來貢三月壬午朔遣使祭木葉山禁芻
 牧傷禾稼宋進士十七人挈家來歸命有司考其中第者補國學官餘授
 縣主簿尉李繼遷遣使來貢丁亥詔知易州趙贊收戰亡士卒骸骨築京
 觀戊子賜于越宋國王紅珠筋線命入內神帳行再生禮皇太后賜物甚
 厚以鷄壁若民成廷朗等八戶隸飛狐己丑詔免雲州逋賦乙室王貫寧
 擊鞠為所部郎君高四縱馬突死詔訊高四罪丙申詔開奇峯路通易州

水樂卷五十三百九

土

市戊戌以王子帳耶律襄之女封義成公主下嫁李繼遷是春駐蹕延芳
 淀夏四月甲寅還京乙卯國舅太師蕭闥覽為子排亞請尚皇女延壽公
 主許之丙辰謁太宗皇帝廟以御史大夫烏骨領乙室大王已未幸延壽
 寺飯僧甲子諫議大夫馬得臣以上好擊毬上疏切諫臣伏見陛下聽朝
 之暇以擊毬為樂臣思此事有三不宜上下分朋君臣爭勝君得臣奪君
 輸臣喜一不宜也往來交錯前後遮約爭心競起禮容全廢若貪月杖誤
 拂天衣臣既夫儀君又難責二不宜也輕萬乘之責逐廣場之娛地雖平
 至為堅確馬雖良亦有驚蹶或因奔擊夫其控御聖體寧無虧損太后豈
 不驚懼三不宜也臣望陛下念繼承之重止危險之戲疏奏大嘉納之丁
 卯吐渾還金回鶻安進吐蕃獨朵等自宋來歸皆賜衣帶皇太后謁奇首
 可汗廟丙子以舍利軍耶律香為常袞己卯駐蹕儒州龍泉庚辰遣宣徽
 使蒲領等率兵分道備宋以送輦副使控骨禹為舍利搜剽詳穩五月辛
 巳祭風伯于儒州白馬村休哥引軍至滿城招降卒七百餘人遣使來獻
 詔隸東京辛卯獵桑乾河壬辰燕京奏宋兵至邊時暑未敢與戰且駐易
 州俟彼動則進擊退則班師從之六月庚戌朔以太師拓母迎合謁之二
 十辛酉詔燕樂密雲二縣荒地許民耕種免賦役十年甲戌宣政殿學士

馬得臣卒詔贈太子少保賜錢十萬粟百石乙亥詔出諸畜賜邊部貧民
是月休哥排亞破宋軍于泰州秋七月乙酉御舍涼殿視朝丙戌以中丞
耶律囊麥哥權夷甫畢橫帳郎君耶律延壽為御史大夫癸巳遣兵南征
甲午以迪夷畢涅刺烏藏三部各四人益東北路夫人婆里德仍給印綬
丁酉勞南征將士是日帝與皇太后謁景宗皇帝廟八月庚午放進士高
正等二人及第冬十月禁宜網捕兔十一月甲申于闐張文寶進內丹書
十二月甲寅鈞魚于沈子灤癸亥獵于好草嶺八年春正月辛巳如臺
湖庚寅詔決滯獄庚子如沈子灤二月丁未朔于闐回鶻各遣使來貢壬
甲女直遣使來貢三月丁丑李繼遷遣使來貢庚辰太白熒惑闕凡十有
五次乙酉城杏塌以宋俘質之辛丑置宜州夏四月丙午朔巖州刺史李
壽英有惠政民請留從之庚戌女直遣使來貢庚午以歲旱諸部銀食振
之五月戊子以宋降卒分隸諸軍庚寅女直宰相阿海來貢封順化王丙
申清暑胡土白山詔括民田六月丙午以北面林牙磨魯古為北院大王
阿薩蘭回鶻于越達刺于各遣使來貢甲寅月掩天駟第一星丙辰女直
遣使來貢秋七月庚辰改南京熊軍為神軍詔東京路諸官分提轄司分
置定霸保和宣化三縣白川州置洪理儀坤州置廣義遼西州置長慶乾

州置安德各一縣省遂媽松饒寧海瑞玉鐵里奉德等十州及玉田遼寧
松山弘遠懷清雲龍平澤平山等八縣以其民分隸他郡八月乙卯以黑
白羊祭天地九月乙亥北女直四部請內附士辰李繼遷獻宋俘冬十月
丙午以大敗宋軍復遣使來告己酉阻卜等遣使來貢是月駐蹕大玉川
十一月庚寅以吐谷渾民饑振之丁酉太白晝見十二月癸卯李繼遷下
宋麟州等州遣使來告女直遣使來貢庚戌遣使封李繼遷為夏國王癸
丑回鶻來貢是歲放鄭雲從等二人及第九年春正月甲戌女直遣使
來貢丙子詔禁私度僧尼庚辰如臺湖乙酉樞密使監修國史室昉等進
實錄賜物有差戊子選宋降卒五百置為宣力軍辛卯詔免三京諸道租
賦仍罷括田二月丙午夏國遣使告伐宋捷丁未以涿州刺史耶律王六
為揚隱甲子建威寇振化來達三城屯戌辛酉月辛未朔日有食之士申
遣翰林承旨邢抱朴三司使李嗣給事中劉京政事舍人張幹南京副留
守吳浩分決諸道滯獄三月庚子朔振室韋烏古諸部戊申復遣庫部員
外郎馬守琪倉部員外郎祁正虞部員外郎崔祐勳北縣令崔簡等分決
諸道滯獄甲子幸南京夏四月甲戌回鶻來貢乙亥夏國王李繼遷遣杜
白來謝封冊丙戌清暑炭山五月己未以秦王韓匡嗣私城為全州六月

丁亥突厥來貢是月南京霖雨傷稼秋七月癸卯通括戶口乙巳詔諸道
舉才行察貪酷撫高年禁奢儉有歿於王事者官其子孫己未夏國以復
綏銀二州遣使來告八月癸酉銅州嘉禾生東京甘露降戊寅女直進喚
鹿人壬午東京進三足鳥九月庚子鼻骨德來貢己酉駐蹕廟城南京地
震冬十月丁卯阿薩蘭回鶻來貢壬申夏國王李繼遷遣使來上宋所授
勅命丁丑定難軍節度使李繼捧來投推忠効順啓聖定難功臣開府
儀同三司檢校太師兼侍中封西平王十一月乙亥以青牛白馬祭天地
十二月夏國王李繼遷潛附于宋遣招討使韓德威持詔諭之是歲放進
士石用中一人及第十年春正月丁酉禁喪葬禮殺馬及歲甲寅金銀
器玩丙午如臺湖二月乙丑朔日有食之韓德威奏李繼遷稱故不出至靈
州俘掠以還壬申元惹來貢壬午兗雲州租賦庚寅夏國以韓德威俘掠
遣使來奏賜詔安慰辛卯給復雲州流民三月甲辰鐵驪來貢丙辰如炭
山夏四月乙丑以臺湖馬望幸里庚寅命群臣較射五月癸巳朔州流民
給復三年七月辛酉鐵驪來貢八月癸亥觀稼仍遣使分閱苗稼九月癸
卯辛五臺山金河寺飯僧冬十月壬申夏國王遣使來貢戊寅鐵驪來貢
十一月壬辰回鶻來貢十二月庚辰據儒州東川拜天是月以東京留守

蕭恒德等伐高麗十一年春正月壬寅回鶻來貢丙午出內帑錢賜南
京統軍司軍高麗王治遣朴良柔奉表請罪詔取女直鴨綠江東數百里
地賜之二月癸亥霸州民妻王氏以妖惑衆伏誅夏四月辛未山清暑六
月大雨秋七月己丑桑乾羊河溢居庸關西害禾稼殆盡奉聖南京居民
廬舍多墊溺者八月如秋山冬十月甲申朔駐蹕蒲瑰坂是年放進士王
熙載等二人及第十二年春正月癸丑朔鄆陰鎮水深溺三十餘村詔
疏舊渠甲寅以同政事門下平章事耶律頌老爲惕隱詔復行在五十里
內租乙卯幸延芳淀戊午蠲宜州賦調庚申郎君耶律鼻舍等謀叛伏誅
壬戌以南院大王耶律景爲上京留守封添水郡王霸州民李在宥年百
三十有三賜束帛錦袍銀幣月給羊酒仍復其家二月甲申免南京被水
戶租賦己丑高麗來貢甲午免諸部歲輸羊及馴征庚子回鶻來貢三月
丁巳高麗遣使請所俘人畜詔贖還戊午幸南京丙寅遣使撫諭高麗己
巳涿州木連理壬申如長春宮觀牡丹是月復置南京統軍都監夏四月
辛卯幸南京壬辰樞密直學士劉恕爲南院樞密副使戊戌以景宗石像
成幸延壽寺飯僧五月甲寅詔北皮室軍老不任事者免役戊午如炭山
清暑庚辰武定軍節度使韓德冲秩滿其民請留從之六月辛巳朔詔州

永樂大典

卷五二四九

縣長吏有才能無過者減一資考任之癸未可汗州刺史賈俊進新曆庚子錄囚甲辰詔龍鳳兩軍老疾者代之是月太白歲星相犯秋七月辛亥朔日有食之甲寅遣使視諸道禾稼辛酉南院樞密使室昉為中京留守加尚父丙寅女直遣使來貢戊辰觀獲庚午詔契丹人犯十惡者依漢律已卯以翰林承旨邢抱朴叅知政事八月庚辰朔詔皇太妃領西北路烏古等部兵及水興官分軍撫定西邊以蕭捷傑督其軍事乙酉宋遣使求和許戊子以國舅張勉蕭徒骨為夷尚畢乙未下詔戒諭中外官吏丁酉錄囚雜犯死罪以下釋之九月壬子室韋完項吐谷渾等來貢辛酉宋復遣使求和許壬戌行拜典禮癸酉阻卜等來貢冬十月乙酉獵可汗州之西山乙巳詔定均稅法丁未大理寺置少卿及正十一月戊申朔行再生禮鐵驪來貢詔諸部所俘宋人有官吏儒生抱器能者諸道軍有勇健者其以名聞庚戌詔部邑貢明經茂材異等甲寅詔南京決滯獄已未官宋俘衛德升等六人十二月戊寅朔日有食之詔并奚王府典理墮隗梅只三部為一其二剋各分為部以足六部之數甲申賜南京統軍司貧戶耕牛戊子高麗進妓樂却之庚寅禁游食民癸巳女直以宋人浮海賂本國及兀惹叛來告丁未幸南京是年放進士呂德懋等二人及第十

三年春正月壬子幸延芳淀甲寅置廣靈縣丁巳增秦州遂成等縣庚申詔諸道勸農癸亥長寧軍節度使蕭解里扶滿民請留從之庚午如長春宮二月丁丑女直遣使來貢甲辰高麗遣李周楨來貢三月癸丑夏國遣使來貢戊辰武清縣百餘人入宋境剽掠命誅之還其所獲人畜財物夏四月己卯叅知政事邢抱朴以母憂去官起復丙戌詔諸道民戶應曆以來曾從為部曲者仍籍州縣甲午如炭山清暑五月壬子高麗進鷹乙亥北南乙室三府請括富民馬以備軍需不許給以官馬六月丙子朔啓聖軍節度使劉繼琛秩滿民請留從之丁丑詔減前歲括田租賦甲申以宣徽使阿沒里私城為豐州丙戌詔許昌平懷柔等縣諸人請業荒地秋七月乙巳朔女直遣使來貢丁巳兀惹烏昭度渤海燕頰等侵鐵驪遣奚王和朔奴等討之壬戌詔蔚朔等州龍衛威勝軍庚戌八月丙子夏國遣使進馬士辰詔修山澤祠宇先哲廟貌以時祀之九月戊午以南京太學生員浸多特賜水碓莊一區丁卯奉安景宗及皇太后石像于延芳淀冬十月乙亥置義倉辛巳回鶻來貢甲申高麗遣李知白來貢戊子兀惹歸款詔諭之庚子鼻骨德來貢十一月乙巳阿薩蘭回鶻遣使來貢辛酉遣使冊王治為高麗國王戊辰高麗遣童子十人來學本國語十二月己卯

鐵驪遣使來貢鷹馬辛巳夏國以敗宋人遣使來告是年放進士王用極等二人十四年春正月己酉漁于路河丁巳蠲三京及諸州稅賦丙寅夏國遣使來貢庚午以宣徽使阿沒里家奴闖貴為豐州刺史二月庚寅回鶻遣使來貢三月壬寅高麗王治表乞為婚許以東京留守駙馬蕭恒德女嫁之庚戌高麗復遣童子十人來學本國語甲寅韓德威奏討党項捷甲子詔安集朔州流民夏四月甲戌東邊諸州各置都監庚寅如炭山清暑乙亥鑿大安山取劉守光所藏錢是月奚王和朔奴東京留守蕭恒德等五人以討兀惹不克削官改諸部令穩為節度使五月癸卯詔叅知政事邢抱朴決南京滯獄庚戌朔州威勝軍一百七人叛入宋六月辛未如炭山清暑鐵驪來貢乙酉回鶻來貢己丑高麗遣使來問起居後至無時秋七月戊午回鶻等來貢閏月丁丑五院部進穴地所得金馬冬十月丙辰命劉遂教南京神武軍士劔法賜袍帶錦幣戊午烏昭度乞內附十一月甲戌詔諸軍官毋非時收獵妨農乙酉奉安景宗及太后石像于乾州是月回鶻阿薩蘭遣使為子求婚不許十二月甲寅以南京道新定稅法太重減之甲子捷凜誘叛酋阿魯敦等六十人斬之封蘭陵郡王幸南京是年放進士張儉等三人十五年春正月庚午幸延芳淀丙子以河

水樂大典卷五十三百四十九

五

西党項叛詔韓德威討之庚辰詔諸道勸民種樹癸未兀惹長武周來降戊子女直遣使來貢己丑詔南京決滯囚乙未免流民稅二月丙申朔如長春宮戊戌勸品部富民出錢以贖貧民庚子徙梁門遂城秦州北平民於內地丙午夏國遣使來貢甲寅問安皇太后丙辰韓德威奏破党項捷丁巳詔品部曠地令民耕種三月乙丑朔党項來貢戊辰募民耕灤州荒地免其租賦十年己巳夏國破宋兵遣使來告己卯封夏國王李繼遷為西平王壬午通括宮分人戶免南京通稅及義倉粟甲申河西党項乞內附庚寅兀惹烏昭度以地遠乞歲時免進鷹馬貂皮詔以壬辰正且貢如舊餘免癸巳宋主昞殂于恒嗣位甲午皇太妃獻西邊捷夏四月乙未朔罷奚五部歲貢虜戊戌錄囚士寅發義倉粟振南京諸縣民丙午廣德軍節度使韓德疑有善政秩滿其民請留從之己酉幸南京丁巳致奠于太宗皇帝廟己未如炭山清暑五月甲子朔日有食之己巳詔平州決滯獄是月敵烈八部殺詳穩以叛蕭捷凜追擊獲部族之半六月丙申鐵驪來貢壬子夏國遣使來謝封冊秋七月戊辰党項來貢辛未禁吐谷渾別部鬻馬於宋丙子高麗遣韓彥敦奉幣弔越國公主之喪辛卯詔南京疾決獄訟八月丁酉獵于平地松林皇太后諡曰前聖有言欲不可繼吾兒為

天下主。馳騁田獵。萬一有衝楸之變。適遺于憂。其深戒之。九月丙寅。龍東邊戍卒。庚午。幸饒州。致真太祖廟。戊子。蕭捷稟奏討阻卜捷。冬十月壬辰朔。駐蹕駝山。罷奚王諸部貢物。乙酉。賜宿衛時服。丁酉。禁諸山寺。毋濫度僧尼。戊戌。施東京道魚。濼之禁。戊申。以上京獄訟繁冗。詰其主者。辛酉。錄囚。十一月壬戌朔。錄囚。丙戌。幸顯州。戊子。謁顯陵。庚寅。謁乾陵。是月高麗王治覺娃誦遣王同穎來告。十二月乙巳。鈞魚土河。己酉。駐蹕駝山。壬子。夏國遣使來貢。甲寅。遣使祭高麗王治。詔其姪權知國事。丙辰。錄囚。是年放進士陳鼎等二人。十六年春正月乙酉。如長濼。二月庚子。夏國遣使來貢。丙子。以監門衛上將軍耶律喜羅為中臺省左相。三月甲子。女直遣使來貢。乙亥。鼻骨德酋長來貢。夏四月癸卯。振崇德宮所隸州縣民之被水者。丁未。罷民輸官俸。給自內帑。己酉。祈雨。乙卯。如木葉山。五月甲子。祭白馬神。丁卯。祠木葉山。吉來歲南伐。庚辰。鐵驪來貢。乙酉。還上京。婦人年踰九十者。賜物。六月戊子朔。致奠於祖懷二陵。是月清暑炭山。秋七月丁巳朔。錄囚。聽政。八月丁亥朔。東幸。九月丁巳朔。駐蹕得勝口。冬十一月遣使冊高麗國王誦。十二月丙戌。宋國王休哥薨。輟朝五日。進封皇弟恒王隆慶為梁國王。南京留守鄭王隆祐為吳國王。是年放進士楊又立等二人。

人。十七年春正月乙卯朔。如長春宮。夏四月如炭山清暑。六月元惹烏昭慶來。秋七月。以伐宋詔諭諸道。九月庚辰朔。幸南京。己亥。南伐。癸卯。射鬼箭。北院樞密使魏王耶律斜軻薨。以韓德讓兼知北院樞密使事。冬十月癸酉。攻遂城。不克。遣蕭繼遠攻狼山鎮石砦。破之。次瀛州。與宋軍戰。擒其將康昭。肅宋順。獲兵仗器甲無算。進攻樂壽。縣拔之。次遂城。敵來臨水。以拒。縱騎兵突之。殺戮殆盡。是年放進士初錫等二人及第。十八年春正月。還次南京。賞有功將士。罰不用命者。詔諸軍各還本道。二月。幸延芳淀。夏四月己未。駐蹕于清泉淀。五月丁酉。清暑炭山。六月。阻卜叛。酋鶻帳之弟。鐵刺不。率部眾來附。鶻帳無所歸。遂降。詔誅之。秋七月。駐蹕于湯泉。九月乙亥朔。駐蹕黑河。冬十一月甲戌朔。授西平王李繼遷子德昭朔方軍節度使。十二月。回鶻來貢。是年放進士南承保等三人及第。十九年春。正月辛巳。以抵候郎君班詳穩觀音為美六部大王。甲申。回鶻進梵僧名醫。三月乙亥。夏國遣李文貴來貢。乙酉。西南面招討司。奏完項捷。士辰。皇后蕭氏以罪降為貴妃。賜大丞相韓德讓名德昌。夏四月乙巳。幸吳國。王隆祐弟視彥丙午。問安皇太后。五月癸酉。清暑炭山。丙戌。冊蕭氏為齊天皇后。庚寅。以十拽刺詳穩耶律王怒為乙室大王。辛卯。以青牛白馬祭

天地。六月乙巳。以所俘宋將康昭裔為昭順軍節度使。戊午。夏國奏下宋恒環慶等三州。賜詔褒之。秋七月丙戌。以東京統軍使耶律奴瓜為南府宰相。八月庚戌。達盧骨部來貢。九月己巳。朔。問安皇太后。戊午。駐蹕昌平。庚寅。西南面招討司奏討吐谷渾捷。辛卯。幸南京。冬十月己亥。南伐。壬寅。次鹽溝。徙封吳國王隆祐為楚國王。留守京師。丁未。梁國王隆慶統先鋒軍以進。辛亥。射鬼箭。壬子。以青牛白馬祭天地。甲寅。遣軍與宋兵戰于遂城。敗之。庚申。以黑白羊祭天地。丙寅。次滿城。以泥淖班師。十一月庚午。射鬼箭。丙子。宋兵出淤口。益津關來侵。偵候謀法。虞人招古擊敗之。己卯。觀漁。儒門滯。閏月己酉。鼻骨德來貢。己未。減關市稅。十二月庚辰。免南京平州租稅。二十年春。正月庚子。如延芳淀。癸丑。東方五色虹。見詔安撫西。南面向化諸部。甲寅。夏國遣使貢馬。馳。辛酉。女直宰相夷离底來貢。二月丁丑。女直遣其子來朝。高麗遣使賀伐。宋捷。三月甲寅。遣北府宰相蕭繼遠等南伐。壬戌。駐蹕駕鴛鴦港。夏四月丙寅。朔。文班太保達里底敗宋兵于梁門。甲戌。南京統軍使蕭撻凍破宋軍于泰州。乙酉。南征將校獻俘。賜將實有差。戊子。鐵驪遣使來貢。五月乙卯。幸炭山清暑。六月。夏國遣劉仁勗來告。下靈州。秋七月甲子。朔。日有食之。丁酉。以那抱朴為南院樞密使。辛

丑。高麗遣使來貢。本國地里圖。九月癸巳。朔。謁顯陵。告南伐捷。冬十月癸亥。朔。至自顯陵。十二月。吳王府五帳六節度獻七金山土河川地。賜金幣。是歲。南京平州奏秀兩岐放進士邢祥等六人及第。二十一年春。正月。如駕鴛鴦港。三月壬辰。詔修日曆官。母書細事。甲午。朝皇太后。戊午。鐵驪來貢。夏四月乙丑。女直遣使來貢。戊辰。兀惹。渤海真里。米。越里。篤。越里。古等五部。遣使來貢。是月。耶律奴瓜。蕭撻凍。獲宋將王繼忠于望都。五月庚寅。朔。清暑炭山。丁巳。西平王李繼遷薨。其子德昭遣使來告。六月己卯。贈繼遷尚書令。遣西上閣門使丁振弔慰。辛巳。完項來貢。乙酉。阻卜鐵刺里率諸部來降。是月。修可敦城。秋七月庚戌。阻卜烏古來貢。甲寅。以吳王府監軍耶律室魯為南院大王。八月乙酉。阻卜鐵刺里來朝。丙戌。朝皇太后。九月己亥。夏國李德昭遣使來謝。弔贈。癸丑。幸女河湯泉。改其名曰松林。冬十月丁巳。駐蹕七渡河。戊辰。以楚國王隆祐為西南面招討使。十一月壬辰。故于越耶律休哥之子道士奴高九等謀叛。伏誅。丙申。通括南院部民。十二月癸未。罷三京諸道貢。二十二年春。正月丁亥。如駕鴛鴦港。二月乙卯。朔。女直遣使來貢。丙寅。南院樞密使那抱朴薨。輟朝三日。三月己丑。罷番部賀千齡節。及冬至。重五貢。乙未。西夏李德昭遣使上繼遷遺物。夏四

永樂大典

卷五二四九

月丁卯朝皇太后。五月清暑炭山。六月戊午。以可敦城為鎮州。軍曰建安。
秋七月甲申。遣使封夏國李德昭為西平王。丁亥。兀惹蒲奴里剌阿里。越
里。篤與里米等部來貢。八月丙辰。党項來貢。庚申。阻卜酋鐵刺里來朝。戊
辰。鐵刺里求婚。不許。丙子。駐蹕犬牙山。九月己丑。以南伐諭高麗。丙午。幸
南京。女直遣使獻所獲烏昭慶妻子。丁未。致祭于太宗皇帝廟。以北院大
王磨魯古。太尉老君奴。監北南王府兵。庚戌。命楚國王隆祐留守京師。閏
月己未。南伐。癸亥。次國安。以所獲謀者射鬼箭。甲子。以青牛白馬祭天地。
丙寅。遣師與宋兵戰于唐興。大破之。丁卯。蕭撻懶與宋軍戰于遂城。敗之。
庚午。軍于望都。冬十月乙酉。以黑白羊祭天地。丙戌。攻瀛州。不克。甲午。下析
州。賚降兵。以酒脯祭天地。己酉。西平王李德昭遣使謝封冊。十一月癸亥。
馬軍都指揮使耶律課里。遇宋兵于洛州。擊退之。甲子。東京留守蕭排押。
復宋魏府官吏田逢吉。郭守榮。常顯。劉綽等。以獻。丁卯。南院大王善補奏。
宋遣人遺王繼忠弓矢。密請求和。詔繼忠與使會。許和。庚午。攻破德清軍。
士申。次澶淵。蕭撻懶中伏。斃。乙亥。攻破通利軍。丁丑。宋遣崇儀副使曹
利用請和。即遣飛龍使韓杞。持書報聘。十二月庚辰朔。日有食之。既。癸未。
宋復遣曹利用來。以無還地之意。遣監門衛大將軍姚柬之。持書往報。戊

永樂大典卷五二四九

六

子。宋遣李繼昌請和。以太后為叔母。願歲輸銀十萬兩。絹二十萬匹。許之。
即遣閤門使丁振持書報聘。己丑。詔諸軍解嚴。是月。班師。皇太后賜大丞
相齊王韓德昌。姓耶律。徙王晉。是年。放進士李可封等三人。二十三年
春。正月戊午。還次南京。庚申。大饗將卒。爵賞有差。二月丙戌。復置榷場於
振武軍。丁巳。夏國遣使告下宋青城。辛酉。朝皇太后。以楊隱化哥為南院
大王。行軍都監老君奴為楊隱。乙丑。振党項部。丁卯。回鶻來貢。丁丑。改易
州。飛狐招安使為安撫。使夏四月丙戌。女直及阿薩蘭回鶻各遣使來貢。
乙未。鐵驪來貢。己亥。党項來侵。五月戊申。朔。宋遣孫僅等來賀皇太后生
辰。乙卯。以金帛賜陣亡將士家。丙寅。高麗以與宋和。遣使來賀。六月壬辰。
清暑炭山。甲午。阻卜酋鐵刺里遣使賀與宋和。己亥。達旦國九部遣使來
聘。秋七月癸丑。問安皇太后。戊午。党項來貢。辛酉。以青牛白馬祭天地。壬
戌。烏古來貢。丁卯。女直遣使來貢。阿薩蘭回鶻遣使來請先留使者。皆遣
之。九月甲戌。遣太尉阿黑太傅楊六。賀宋主生辰。冬十月丙子。朔。鼻骨德
來貢。戊子。朝皇太后。甲午。駐蹕七渡河。癸卯。宋歲幣始至。後為常。十一月
戊申。上遣太保合住頌給使韓簡。太后遣太師益奴。政事舍人高正。使宋
賀正旦。辛亥。觀漁桑乾河。丁巳。詔大丞相耶律德昌。出官籍屬于橫帳。十

二月丙申宋遣周漸等來賀千齡節丁酉復遣張若谷等來賀正旦二十四年春正月如駕鸞瀛夏五月壬寅朔幸炭山清暑幽皇太妃胡肇于懷州因夫人夷懶于南京餘黨皆生瘞之秋七月辛丑朔南幸八月丙戌改南京宮宣教門為元和外三門為南端左掖門為萬春右掖門為千秋是月沙州燉煌王曹壽遣使進大食國馬及美玉以對衣銀器等物賜之九月幸南京冬十月庚午朔帝率群臣上皇太后尊號曰睿德神略應運啓化承天皇帝太后群臣上皇帝尊號曰至德廣孝昭聖天輔皇帝大赦是年放進士楊信等二十三人及第二十五年春正月建中京二月如駕鸞瀛夏四月清暑炭山六月賜皇太妃胡肇死于幽所秋七月壬申西平王李德昭母薨遣使弔祭甲戌遣使起復九月西北路招討使蕭圖玉討阻上破之冬十月丙申駐蹕中京十二月己酉振饒州饑民二十六年春二月如長瀛夏四月辛卯朔祠木葉山五月庚申朔還上京丙寅高麗進龍鬚草席己巳遣使賀中京成庚午致祭祖懷二陵辛未駐蹕懷州秋七月增太祖太宗讓國皇帝世宗謚仍謚皇太弟李胡曰欽順皇帝冬十月戊子朔幸中京十二月蕭圖玉奏討甘州回鶻降其王耶刺里撫慰而還是年放進士史克忠等一十三人二十七年春正月鈞魚土河獵于

永樂大典卷五千二百四十九

九

瑞鹿原夏四月丙戌朔駐蹕中京營建宮室庚戌廢霸州處置司秋七月甲寅朔霖雨潢土幹刺陰涼四河皆溢漂沒民舍八月甲申北幸冬十一月壬子朔行紫冊禮十二月乙酉南幸皇太后不豫戊子肆赦辛卯皇太后崩于行宮壬辰遣使報哀于宋夏高麗戊申如中京己酉詔免賀千齡節是歲御前引試劉二宜等三人二十八年春正月辛亥朔不受賀甲寅如乾陵祭西奉安大行皇太后梓宮于乾州鼓塗殿二月丙戌宋遣王隨王儒等來弔祭己亥高麗遣魏守愚等來祭是月遣左龍虎衛上將軍蕭合真饋大行皇太后遺物于宋仍遣臨海軍節度使蕭虛列左領軍衛上將軍張崇濟謝宋弔祭三月癸卯上大行皇太后謚為聖神宣獻皇后是月宋高麗遣使來會葬夏四月甲午葬太后於乾陵賜大丞相耶律德昌名曰隆運庚午賜宅及陪葬地五月己卯朔如中京辛卯清暑七金山乙巳西北路招討使蕭圖玉奏伐甘州回鶻破肅州盡俘其民詔修土隄口故城以實之丙午高麗西京留守康肇弒其主誦擅立誦從兄詢詔諸道繕甲兵以備東征秋八月戊申振平州饑民辛亥幸中京丙寅謁顯乾二陵丁卯自將伐高麗遣使報宋以皇弟楚國王隆祐留守京師北府宰相謝馬都尉蕭排押為都統北面林牙僧奴為都監九月乙酉遣使冊西

平王李德昭為夏國王。辛卯遣樞密直學士高正。引進使韓杞。宣問高麗王詢。冬十月丙午朔。女直進良馬萬匹。乞從征高麗。許之。王詢遣使奉表乞罷師。不許。十一月乙酉。大軍渡鴨綠江。康肇拒戰。敗之。退保銅州。丙戌。肇復出。右皮室詳穩耶律敵魯。擒肇。及副將李立。遣殺數十里。獲所棄糧餉鎧仗。戊子。銅霍貴寧等州皆降。排押至奴古達嶺。遇敵兵。戰敗之。辛卯。王詢遣使上表請朝。許之。禁軍士俘掠。以政事舍人馬保佑為開京留守。安州團練使王公為副留守。遣太子太師乙密將騎兵一千。送保佑等赴京。壬辰。守將卓思正。殺遣使者韓喜孫等十八。領兵出拒保佑等。遣乙密領兵擊之。思正遂奔西京。圍之。五日不克。駐蹕城西。高麗禮部郎中勅海陀。來降。庚子。遣排押盆奴等。攻開京。遇高麗兵。敗之。王詢棄城。遁去。遂焚開京。至清江還。二十九年春正月乙亥朔。班師。所降諸城復叛。至貴州南峻嶺谷。大雨連日。馬駝皆疲。甲仗多遺棄。奪乃得渡。己丑。次鴨綠江。庚寅。皇后及皇弟楚國王隆祐。迎于來遠城。士辰。詔罷諸軍。己亥。次東京。二月己酉。謁乾顯二陵。戊子。所俘高麗人。分置諸陵廟。餘賜內戚大臣。三月己卯。大丞相晉國王耶律隆慶。庚辰。皇弟楚國王隆祐。權知北院樞密使事。樞密直學士高正。為北院樞密副使。庚寅。南京平州水。振之。己

亥。以北院大王耶律室魯。為北院樞密使。封韓王。北院郎君耶律世良。為北院大王。前三司使劉慎行。叅知政事。兼知南院樞密使事。夏四月。清暑老古場。五月甲戌朔。詔己奏之事。送所司附日曆。又詔帳族有罪。黜墨依諸部人例。乙未。以劉慎行為南院樞密使。南府宰相邢抱賢。知南院樞密使事。六月庚戌。升蔚州利州為觀察使。乙卯。韓王耶律室魯。薨。丙辰。以南院大王化哥。為北院樞密使。丁巳。詔西北路招討使駙馬都尉蕭圖玉。安撫西鄙。置阻卜諸部節度使。是秋。獵于平地松林。冬十月庚子。駐蹕廣平淀。甲寅。贈大丞相晉國王耶律隆運尚書令。諡文忠。十一月庚子朔。辛卯。州十二月庚子。復如廣平淀。癸丑。以知南院樞密使事邢抱賢。年老。詔乘小車入朝。是月。置歸寧二州。是年。御試。放高承顏等二人及第。開泰元年春正月己巳朔。宋遣趙和符成翰。來賀。癸未。長白山三十部女直酋長來貢。乙授將務甲申。駐蹕王子院。丙戌。望祠木葉山。丁亥。女直太保蒲撚等。來朝。戊子。獵于買魯魯林。庚寅。祠木葉山。辛卯。曷蘇館大王曷里喜。來朝。二月壬子。駐蹕瑞鹿原。三月甲戌。以蔚州為觀察。不隸武定軍。乙亥。如葦港。丁丑。詔封皇女八人。為郡主。乙酉。詔卜日行拜山大射。仰之禮。命北宰相駙馬蕭陵郡王蕭寧。樞密使司空邢抱賢。督有司具儀物。丁亥。皇弟

楚國王隆祐徙封齊國王留守東京夏四月庚子高麗遣蔡忠順來乞稱
臣如舊詔王詢親朝士寓夏國遣使進良馬己酉祀風伯辛酉以前孟父
房啟穩蕭佛奴爲左夷尙畢五月戊辰朔還上京詔裴玄感邢祥和禮部
貢舉放進士史簡等十九人及第以駙馬蕭紹宗爲鄆州防禦使乙亥以
邢抱質爲大同軍節度使六月駐蹕上京七月丙子以耶律遂貞爲遼興
軍節度使遂正北院宣徽使張昭瑩南院宣徽使耶律受益上京副留守
寇卿彰德軍節度使命耶律釋身奴李操充賀宋生辰國信使副蕭涅裏
齊秦賀宋正旦使副進士康文昭張素臣郎玄達坐論知貢舉裴玄感邢
祥私曲秘書省正字李萬上書辭涉怨訕皆杖而徒之萬役陷河治八月
丙申鐵驪那沙等送兀惹百餘戶至賓州賜絲絹是日那沙乞賜佛像儒
書詔賜護國仁王佛像一易詩書春秋禮記各一部己未高麗王詢遣田
拱之奉表稱病不能朝詔復取六州地是月齊國王隆祐薨報朝五日冬
十月辛亥如中京閏月丁卯贈隆祐守太師諡仁孝十一月甲午朔文武
百官加上尊號曰弘文宣武尊道至德崇仁廣孝聰睿昭聖神贊天輔皇
帝大赦改元開泰改幽都府爲析津府削北縣爲析津縣幽都縣爲宛平
縣覃恩中外己亥賜夏國使東頭供奉官曹文斌呂文貴竇珪祐守榮武

元正等爵有差癸卯前遼州錄事張庭美六世同居儀坤州劉興胤四世
同居各給復三年甲辰西北招討使蕭圖玉奏七部太師阿里底因其部
民之怨殺本部節度使霸暗并屠其家以叛阻卜執阿里底以獻而訟邊
諸部皆叛十二月丙寅奉遷南京諸帝石像于中京觀德殿景宗及宣獻
皇后于上京五鷲殿壬申振奉聖州饑民庚辰賜皇弟秦晉國王隆慶鐵
券癸未劉晨言殿中高可垣中京留守推官李可舉治獄明允詔超遷之
甲申詔諸道水苗饑民貧男女者起來年正月日計備錢十文償折備盡
遣還其家歸州言其居民本新羅所遷未習文字請設學以教之詔允所
請貴德龍化儀坤雙遼同祖七州至是有詔始征高己丑詔諸鎮建宣教
樓二年春正月癸巳朔以裴玄感爲翰林承旨邢祥和事中石用中翰
林學士呂德推拒密直學士張儉政事舍人邢抱質加開府儀同三司守
司空兼侍中王繼忠中京留守檢校太師戶部侍郎劉涇加工部尚書駙
馬蕭紹宗加檢校太師耶律控溫加政事令封幽王丁未如瑞鹿原北院
樞密使耶律化哥封幽王以馮氏爲麗儀耿氏淑儀尙寢白氏昭儀尙服
李氏順儀尙功艾氏芳儀尙儀孫氏和儀己未錄囚烏古敵烈叛右皮室
詳穩延壽率兵討之是月達旦國兵圍鎮州州軍堅守尋引去二月丙子

永樂大典

卷五二四九

詔以麥務川為象雷縣。女河川為神水縣。羅家軍為閭山縣。山子川為富庶縣。習家墩為龍山縣。阿覽峪為勸農縣。松山川為松山縣。金甸子為金原縣。壬午。遣北院樞密副使高正。按察諸道獄。三月壬辰朔。化哥以西北路略平。留兵戍鎮州。赴行在。夏四月丙子。拜日。詔從上京。請以韓斌所括膽國捷。魯河奉。豪等州戶二萬五千四百有奇。置長霸興仁保和等十縣。丙子。如緬山。五月辛卯朔。復命化哥等西討。六月辛酉朔。遣中丞耶律資忠。使高麗取六州舊地。秋七月壬辰。烏古敵烈皆復故疆。乙未。西南招討使政事。今糾軫。奏。項諸部叛者。皆遁黃河北。摸報山。其不叛者。曷黨烏迷。兩部因據其地。今復西邊。詰之。則曰。逐水草。不早圖之。後恐為患。又聞前後叛者。多投西夏。西夏不納。詔遣使再問西邊之意。若歸故地。則可就加撫諭。使不報。上怒。欲伐之。遂詔李德昭。今究項叛。我欲西伐。爾當擊毋失犄角之勢。仍命諸軍各市肥馬。丁酉。以楊隱耶律。將洌為南府宰相。太尉五哥。為楊隱。癸卯。鈞魚曲溝。戊申。詔以敦睦宮子錢振貧民。己酉。化哥等破阻。卜酋長烏八之衆。丁卯。封皇子宗訓。大內楊隱。八月壬戌。遣引進使李延弘。賜夏國王李德昭。及義成公主車馬。己丑。耶律資忠。使高麗還。冬十月己未朔。吹鹿井之北。命耶律阿魯等。使宋賀生辰。辛酉。駐蹕長

永樂大典卷五二四九

五

澤。丙寅。詳。張馬留獻女直人。知高麗事者。上問之。曰。臣三年前為高麗所虜。為郎官。故知之。自開京。東馬行七日。有大塔。廣如開京。旁州所貢珍異。皆積于此。勝羅等州之南。亦有二大塔。所積如之。若大軍行由前路。取曷蘇館。女直北。直渡鴨綠江。並大河而上。至郭州。與大路會。高麗可取而有也。上納之。十一月甲午。錄囚。癸丑。樞密使。幽王化哥。以西征有罪。削其官。封出為大同軍節度使。十二月甲子。以北院大王耶律世良。為北院樞密使。封岐王。以宰臣劉燾。監修國史。辛璘。為彰國軍節度使。蕭孝務。為西北路招討使。放進士。解于茂。昭等六人。及第。三年春正月己丑。錄囚。阻卜酋長烏八。來朝。封為王。乙未。如渾河。丁酉。女直及鐵驪。各遣使來貢。是夕。彗星見西方。丙午。吹潢河濱。壬子。帝及皇后。獵瑞鹿原。二月戊午。詔增樞密使以下月俸。甲子。遣上京副留守耶律資忠。復使高麗。取六州舊地。三月庚子。遣耶律世良。城招州。戊申。南京奉聖平。蔚雲。應朔等州。置轉運使。夏四月戊午。詔南京管內。毋淹刑獄。以妨農務。癸亥。烏古叛。乙亥。沙州回鶻。曹順。遣使來貢。丙子。以西北路招討都監蕭孝務。為北府宰相。五月乙酉朔。清著。緬山。六月乙亥。合拔里。乙室。二國舅。為一帳。以乙室夷。高畢蕭敵烈。為詳穩。以總之。甲申。封皇姪胡都古。為廣平郡王。是夏。詔國舅。詳

總蕭敵烈東京留守耶律團石等討高麗造浮梁于鴨綠江城保宣義定
 遠等州秋七月乙酉朔如平地松林壬辰詔政事省樞密院酒間授官釋
 罪毋即奉行明日覆奏八月甲寅朔幸沙嶺九月丁酉八部敵烈殺其詳
 東壬子耶律世良遣使獻敵烈俘冬十月甲寅朔幸中京丙子以旗鼓拽
 刺詳穩題里姑為奚六部大王放進士張用行等三十一人及第出身
 四年春正月乙酉如瑞鹿原丙戌詔耶律世良再伐迪烈得戊子命詳穩
 拔姑滿水瑞鹿原以備春蒐丁酉獵馬蘭淀壬寅東征東京留守善寧平
 章涅里奏己總大軍及女直諸部兵分道進討遂遣使齎密詔軍前二
 月壬子朔如薩堤澤于闐國來貢夏四月癸丑以林牙建福為北院大王
 甲寅蕭敵烈等伐高麗還丙辰葛蘇館部請括女直王殊只你戶舊無籍
 者會其丁入賦役從之樞密使貫寧奏大破八部迪烈得詔侍御撒刺契
 諭代行執手之禮丙寅耶律世良等上破阻卜俘獲數成辰駐蹕泃柳湖
 己巳女直遣使來貢壬申耶律世良討烏古破之甲戌遣使賞有功將校
 世良討迪烈得至滿泥竭時于厥既平朝廷議內徙其衆于厥安土重遷
 遂叛世良懲創既破迪烈得輒殲其丁壯勒兵渡曷刺河進擊餘黨斥候

水樂大典卷五千三百四九

重

不謹其將勃括聚兵柵林中擊遼軍不備遼軍小却結陣河曲勃括是夜
 來襲翌日遼後軍至勃括誘于厥之衆皆遁世良追之軍至險阨勃括方
 阻險少休遼軍偵知其所世良不亟掩之勃括輕騎遁去獲其輜重及所
 誘于厥之衆併遷迪烈得所獲轄麥里部民城臚胸河上以居之是月蕭
 揚哥尚南平郡王五月辛巳命北府宰相劉晟為都統樞密使耶律世良
 為副殿前都點檢蕭屈烈為都監以伐高麗晟先携家置邊郡致緩師期
 追還之以世良屈烈總兵進討以耶律德政為遼興軍節度使蕭年骨烈
 天城軍節度使李仲舉卒詔轉恤其家六月庚戌上拜日如禮以麻都骨
 世勳易衣馬為好以上京留守耶律八哥為北院樞密副使秋七月上又
 拜日遂幸秋山自八月射鹿至于九月復自癸丑至于辛酉連獵于有插
 碎石太保響應松山諸山丁卯與夷夷畢兵部尚書蕭榮寧定為交契以
 重君臣之好丙子以旗鼓拽刺詳穩題里姑為六部奚王冬十月駐蹕捷
 剌剌樂十一月庚申詔汰東京僧及命上京中京泊諸宮選精兵五萬五
 千人以備東征十二月南巡海徽還辛顯州五年春正月丁未北幸庚
 戌耶律世良蕭屈烈與高麗戰于郭州西破之斬首數萬級盡獲其輜重
 乙卯師次南海軍耶律世良薨于軍癸酉駐蹕雪林二月己卯阻卜長來

朝年已如薩堤濼庚寅以前東京統軍使耶律韓留為右夷尚軍戊戌皇子宗真生三月乙卯鼻骨德長徽保持賽刺等來貢辛酉諸道獄空詔進階賜物丙寅以前北院大王耶律敏溫為阿扎割只辛未党項魁可來降夏四月乙亥振招州民戊寅以左夷尚軍蕭合卓為北院樞密使葛魯寧為副使庚辰清暑孤樹浞五月甲子尚書蕭雄隱坐出使後期削其官丁卯以耿元吉為戶部使六月以政事舍人吳克昌按察霸州刑獄丁丑回鶻獻孔雀秋七月甲辰獵于赤山八月丙子幸懷州有事于諸陵戊寅還上京九月癸卯皇帝南京留守秦晉國王隆慶來朝上親出迎勞至實德山因同獵于松山乙丑駐蹕杏樹冬十月甲子封秦晉國王隆慶長子查剌中山郡王次子遂哥樂安郡王十一月辛丑以參知政事馬保忠同知樞密院事監修國史丁巳以北面林牙蕭隈注為國舅詳穩十二月乙酉秦晉國王隆慶還至北安薨計聞上為哀慟輟朝七日丁酉宋遣張遼王承德來賀千齡節是歲放進士孫傑等四十八人及第六年春正月癸卯如錐子河二月甲戌以公主賽哥殺無罪婢贈馬蕭圖王不能齊家降公主為縣主削國王同平章事丁丑詔國舅帳詳穩蕭隈注將本部兵東征高麗其國舅司事以都監攝之庚辰以南面林牙涅合為南院大王三

月乙巳如顯州葬秦晉國王隆慶有事于顯乾二陵追冊隆慶為太弟夏四月辛卯封隆慶少子謝家奴為長沙郡王以樞密使漆水郡王耶律制心權知諸行宮都部署事壬辰禁命婦再醮丙申如涼陞五月戊戌朔樞密使蕭合卓為都統漢人行宮都部署王繼忠為副殿前都點檢蕭屈烈為都監以伐高麗翌日賜合卓劔俾得專殺丙子錄囚己酉設四帳都詳穩甲寅以南京統軍使蕭惠為右夷尚軍乙卯祠木葉山潢河乙丑駐蹕九層臺六月戊辰朔德妃蕭氏賜死葬免兒山西後數日大風起塚上晝暝大雷電而雨不止者踰月是月南京諸縣蝗秋七月辛亥如秋山遣禮部尚書劉京翰林學士吳叔達知制誥仇正己起居舍人程翥吏部員外郎南承顏禮部員外郎王景運分路按察刑獄辛酉以西南路招討諸置寧仁縣于勝州九月庚子還上京以皇子屬思生大赦丁未以駙馬蕭德節度使化哥知制誥仇正己楊信充賀宋生辰正旦使副乙卯蕭合卓等攻高麗興化軍不克還師冬十月丁卯南京路總稅雲應朔弘等州粟振之辛未獵錫于河庚寅駐蹕連離山十一月乙卯建州節度使石匡弼卒十二月丁卯上輕騎還上京戊子宋遣李行簡張信來賀千齡節翌日宋馮元張翰來賀正旦七年春正月甲辰如連離山二月己丑朔拜日如

下缺